

Abstrakti – Manaxhimi I integruar I pacientit me retinopati diabetike

Diabeti mellitus është kthyer në një epidemi globale, duke shkaktuar komplikime të rëndësishme makrovaskulare si koronaropatite, sëmundjet e arterieve periferike dhe aksidentet cerebrovaskulare; si dhe komplikime mikrovaskulare si retinopatia, nefropatia dhe neuropatia. Dihet se retinopatia diabetike (RD) është shkaku kryesor i verbërisë në popullatën në moshë pune dhe mund të jetë asimptomatike derisa të ndodhë humbja e shikimit. Kontrollët e programuara & masive të popullatës për RD kanë treguar se zbulimi i hershëm i kesaj kondite dhe trajtimi efektiv me lazer reduktojnë në mënyrë domethënëse verbërinë. Procesi “screening” i RD po zhvillohet në mbarë botën në kuadër të programeve kombëtare të depistimit, ose në kuadër të projekteve të iniciuara nga qendrat spitalore ose si një program “screening” me baze komunitare. Krijimi i një sistemi që do kontribuojë në identifikimin e retinopatisë diabetike tek pacientët e sistemit shëndetësor publik në nivelin primar dhe krijimi i një baze të dhënash publike të këtyre pacientëve, të aksesueshme nga mjekët specialistë të sistemit terciar do ndihmonte në mënyrë domethënëse në menaxhimin e integruar të kesaj patologjie që implikon shumë specialitete në trajtimin e saj.